



Protocol dalla radunonza generala 2025

datum: 22. da mars 2025
uras : 17.15
liug: Melserhof, Mels

Tractandas:

01. Beinvegni
02. Elecziun da dumbravuschs
03. Protocol dalla radunonza generala 2024
04. Pareri
 - a Dil president
 - b Dalla dirigenta
05. Rendaquen da cassier e revisurs
06. Mutaziuns e honoraziuns
07. Activitads 2025
08. Contribuziun annuala 2026
09. Varia

01. Beinvegni ed appel

- Suentar l'intressanta e captivionta prelecziun da Claudia Cadruvi, arva il president Rinaldo Caduff la radunonza cun la poesia « NUS » d'Arnold Spescha.
- In spezial beinvegni fa el als commembers novs e las commembras novas che predan l'emprema gada part alla radunonza generala.
- Era in spezial beinvegni al president d'honor Venanzi Casanova, a nossas commembras d'honor Fidelia Staub, Cornelia Bigger, Jolanda Kohler.
- Vinavon fa ei plascher da benaventar il Silvio Dietrich che viseta nus sco representant da la Lia Rumantscha
- Presents ein 67 commembras e commembers, igl absolut pli munta a 34 vuschs.



02. Elecziun dils dumbravuschs

- Luisa e Christian Raffainer vegnan elegi sco dumbravuschs

03. protocol dalla radunonza generala 2024 a Mels

- Il protocol dalla radunonza generala 2024, redeggius da Lea Killias, vegn approbaus cun in applaus. Il protocol i era publicus sin nossa pagina d'internet.

04. Parei

A: dil president

- Il president ha uonn dessistiu da dar giu siu pareri a scret e presenta persunter tal alla radunonza cun ina cuorta presentaziun da PowerPoint.
- Ils total 9 cafés rumantschs han mintgamai anflau gronda suatienscha, han tuttina mintga gada denter 20 e 30 persunas priu part a tals.
- Era la sera da heighels a Haag ei stada in bi success
- Deplorablamein han mo paucas persunas giu queida da visitar la prelecziun dad Arnold Spescha e siu amitg Hans Fäh. Ils dus protagonists han numnadamein prelegiu ord il cudisch «sinzurs el serein dalla sera » d' Arnold sin ina moda e maniera fetg interessanta e capivonta.
- Da niev vegn era organisau seras da troccas per tuts intressents da lunsch e maneivel. In grond engraziament sauda al Serafin Beer en caussa.
- Ils cuors da rumantsch, organisai dil president, ein in grod success. La cassa dall'uniun ei aschia vegnida fullanada supplementar cun biabein 10'000.00 francs. Vinavon ein 25 persunas, che han fatg part als cours da rumantsch, entradas da niev ell'uniun Rezia Bassa.
- Noss'uniun astga festivar igl onn proxim siu 60avel onn d'existenza, il chor siu 40avel, quei duei vegnir festivau en ina moda e maniera adeguata. Per l'organisaziun dallas festivitads ei priviu d'encurir persunas ord l'uniun, quei per segidar cun la suprastanza.



- Il 2027 vegn la suprastanza elegida da niev per la proxima perioda d'uffeci. Per haver temps e peda avunda d'encurir siu successur ni sia successura fa il president gia ussa attents ch'el dat giu siu uffeci sin la radunonza generala 2027. Medemamein seretrai era la vicepresidente Fidelia Staub sin quei termin. Ils ulteriurs 3 suprastants stattan vinavon a disposiziun, ein denton buca prompts da surprender il presidi.
- Il pareri dil president vegn approbaus cun in grondius applaus. Per sia gronda lavur en favur dall'uniun astga el prender encunter in bi schengetg en fuorma d'in bon per ina buna tscheina en sia ustria preferida.

B: dalla dirigente

- Dapi la davosa radunonza generala ei in onn plein activitads vargaus. In onn cun biaras legras uras mo era cun trests muments. En tut ei il chor sentupaus 22 gadas. La Monika envida en tuts ch'ei aunc buc el chor, da vegnir a cantar.

05. rendaquen da cassier e revisurs.

- Rendaquen dil cassier

entradas			
	2024	2023	+ / -
contribuziuns annualas	6'760.00	5'680.00	1'080.00
occurenzas	1'674.50	1'128.00	546.50
cuors rumantschs	17'280.00	frs. 0.00	17'280.00
chor rumantsch Rezia Bassa	2'860.00	4'950.00	2'090.00
total	28'574.50	11'758.00	16'816.50

expensas			
	2024	2023	+ / -
occurenzas / viadis	7'876.95	6'501.95	1'375.00
cuors rumantschs	7'792.60	0.00	7'792.60
chor rumantsch Rezia Bassa	2'316.75	4'218.05	1'901.30
admin. / spensas / diversas	1'446.40	896.35	550.05
total	19'432.70	11'616.35	7'816.35



- Pareri dallas revisuras
 - Lea Killias presenta il pareri da revisiun
 - Il quen vegn aprobaus unanimamein dils presents.

06. Mutaziuns e honoraziuns

- **Mortoris:**
 - Dapi la davosa radunonza generala havein stuiu prender cumiau da duas fetg fideivlas commembras e d'in fetg fideivel commember, numnadamein da:
 - Nesa Jäger, Gaudenzia Kalber ed Amadeus Muoth
- **Commembers novs:**
 - En tut ein 34 persunas entradas dapi la davosa radunonza generala da niev ell'uniun, cordial beinvegni.
- **Commembers extrai:**
 - Igl onn vargau han 4 persunas bandunau l'uniun
- **Giubileums:**
 - **10 onns:** Christina Kuoni, Karin Ott e Sonja Rutz
 - **25 onns:** Elisabeth Caduff, Rinaldo Caduff
 - **30 onns:** Serafin Beer, Lucas Caviezel
- **Bilanza commembers:**

○ Radunonza 2024:	125
○ Mortoris:	3
○ Extradas:	4
○ Entradas	34
○ Diemember actual:	152 (40 el chor)



07. Activitads 2025

- **Activitads vargadas:**
 - Cafés rumantschs a Mels, Ragaz Bogn e Landquart
 - Sera da Heighels, troccas e jass a Haag
 - 3 visetas el Paketzentrum Untervaz
 - Concert a Pfäfers
- **Activitads previdas:**
 - divers cafés rumantschs
 - avrel: concert chor maschadà rumantsch Rezia Bassa a Ragaz Bogn ensemen cun il Kinderjodelchörli ed il Chapfchörli, omisdus da Grabs
 - zercladur: Festivalet Rumantsch a Turitg, nua ch'era il chor Rezia Bassa sepresenta
 - zercladur: viandada si Amden
 - uost: viadi ell` Engiadina
 - october: viandada sil Lanaberg
 - october: sera culinarica a Sargans
 - november: sentupada rumantscha cun lotto a Ragaz Bogn

08. Contribuziun annuala 2026

- Per la contribuziun 2026 fa la suprastanza la suandonta proposta:
 - Commembers singuls: fr 60.00
 - Partenaris fr 100.00
- La proposta vegn acceptada unanimamein.

09. Varia

- Il president fa attents sin la pagina d'internet www.reziabassa.ch, nua che tut las informaziuns pertuccont uniun e chor ein vesiblas.
- Il Silvio Dietrich surprenda il plaid, quei sco representant dalla Lia Rumantscha. El admetta, specialmein al presdent, denton era a tuts involvai in grond engraziament per lur grond engaschi en fravur



dil lungatg rumantsch. Vinavon fa il Silvio attents sin entginas purschidas dalla Lia Rumantscha.

- Cun in grond engraziament a tuts presents per lur engaschi en fravur dall'uniun Rumantscha Rezia Bassa siara il presidet la radunonza punctualmein allas 18:30 uras e giavischa in bien appetit per la tscheina suandonta che vegn offerida dall'uniun.

mars 2025

L'actuara Mirjam Bärtsch